

ITERANIBA N RONGORONGON TE BETEBEKE

TE RONGORONGO MAN TE BERETITENTII N TE AONO

Nikotaki, Ti Kona ni Karaoa te Bitaki

Iroun Unimwaane F. Michael Watson

Niriki ni mwakuri aika mwaiti n Ana Ekaretia Iesu Kristo Irouia Aomata Aika Itiaki ni Boong Kaitira, man te iango ae kirati, baika ti reiakin n reken te tai e a tia ni kataura-oia aomata ibukin kamaian te aonaaba are e onrake ma taian mii, kangaanga ao atatai inanon te maiu.

Inanon wakin ririki ma ka-noana inanon te tai ni kairake ti iangoia bwa ti niniri baikai nakon taian bakete aika uare-reke, man tauraoi ni kaukia bwa otan te oraitan ae boou are e riki man oin matara. Ti tauraoi nakon bwaai ni kabane ibukina bwa ti ata are bon oin ana kantanninga nanora ao ni kona n nora n tainako te ota man tokin te kawai rinano, ke are ti iangoia.

Ririki aika ti te arona aikai a onrake ni wakin reirei mai-rouia taan reirei aika a mwatai. Mai ikanne e rimwina aron reiakinan te rabakau iaon te reitaki ao mani kataia ni matata irouia aomata, ake aki toki ni kaokoro aron aia iango. Ti aki toki n nora te rain ae tabangaki, te onimaki n te rairaki, rokon bukin te mition nakoia aomata are tiaki ti ibukin temanna. Ni katoa te bong e waetata ni manena, ao n tainako ti aki kabanea ara tai n aroki boini taian rooti.

Ngkai e birimwaka te mwakuri man rikirake atakina, ngaira aika natin te Atua ae maiu mwaane ao aine ti riai n reitaki ni kamwawa mai nanora ao man kanakoa mai irouia ara botanamata, kanoan kangaanga ake a riki man taeka ao mwakuri. Bwaai aikanne a kataia ni kakerikaka rikiraken ana konabwai temanna, reiakinna ao kariaia n te aonaaba are ti atongnga bwa mwengara.

Ni karoan aei, te tia reirei n te 18 n tienture e kaotia bwa ngkana temanna “e aki rinea moa Abanuean te Atua, ko na bon karekea n tokina akean te kaokoro ma te bwai are ko rinea irarikina.”¹

Ngkai ti kona ni kariaia bwa ti na aki boutokai iango tabeua mai irouia kain te aro, ti kona ni ikotaki bwa ana utu te Atua are e anga bwa ana karoa te maiu ao te aonaaba aei bwa te tabo ae tamaraa riki.

Titirakiniko, bwa tera raoi mairoum, are e nako mai namom ni koaua, ae ko tangiria ni karekea. Tao bon kaeka raoi titiraki aikai:

I rook mai ia?

Tera bukin rokou ikai?

N na nakea imwina?

Kaeka nakon titiraki aikai aki kona ni kabwarabwaraki man aia wanawana aomata, ma e na riai ni kaokaki n taian reirei ni

**Unimwaane
F. Michael
Watson**



kakatai ake a riki bwa bwaini kairiri aika teimatoa. N te reirei ibukin te Atua ti riai n rikirake ni mataata raoi bwa ni kabane mwaane ao aine bon ngaia natin te Atua, ti maeka ma Ngaia n te maiu n tamnei, ao te maiu are ti maiuakinna n te tai aei bon mwakoron mwanangara ae akea tokina. Ni kabane ngaira ti kona ni karoa te bitaki rinanon karoan kamatebwaian boki aika tabu, te iango, ao kaeka aika a mimitoring rinanon te tataro. Ibuakora n te tai aei bon Burabeti, Taan Mamata, ao Taan Karekei Kaotioti n aron are e a koreaki:

“Ma e aki kona ni kaota nanona ae raba te Atua ma ti nakon ana toro ae te burabeti.”² Ti reiakinaki bwa ti na kakoaua

ao n ata te Atua Tamara are i Karawa ae akea tokina, Natina, ni koauana bon Iesu Kristo, ao ni kona ni karekeea te kakoaua iroun te Tamnei ae Raoiroi are ti koaua raoi.

Reitinakon te kaotioti ngaia ae kainanoaki n te tai aei are ngaia oin te rongorongo n te aonaaba. Kakoauana are a reke man boki aika a tabu e bon matata:

"Kakaei tua aikai bwa a eti ao man teimatoa, ao taetae ni burabeti ma berita ake inanona a bane ni kakoroaki. Bwa tera ae taekinna te Uea, I a tia n taekinna, ao I aki kona ni kararoai mai iai; ao karawa ma aonaaba ana mauna, ma au taeka ana aki mauna, ma ana kakoroaki, tao man oin bwana ke bwanan au toro, e na bon titearona. Ma nagia aei, te Uea bon te Atua, ao te Tamnei e kaota te rekotii aei, ao te rekotii aei e koaua, te koaua e tiku ngkai ao n akea tokina."³

Reirei ni burabeti a reiakinira bwa ara onimaki e riai n teimatoa ni kaitara bhibitakin kanoan te aonaaba. "Ti a tia n nori bitaki aika a tamaroa n aron tein te tamaroa ao kairan te maiu n tamnei inanon ririki aika a tia n nako. Ekaretia a tia n riki bwa taan kawakin ni koaua [Ara] ekaretia e reitinako n reirei, n akean te baoua ke te kabwarabure, bwa itiakin te aomata e riai kamoamoakina, bwa te kokoaua ao te itiaki a kakawaki nakon bairean maiura, are e na

riai n reiakinna te botanaomata, te akoi ngaia oin raoi katabeara, ao karinean taian onimaki ao karaoana irouia tabeman ngaia te reirei ae aki kona n totokotaki ngkana temanna bon te kiritian."⁴

Ti koaua taekan te aro are e akoia ao ni karinea te maiu n aine. "Ti taekinna bwa n akean te kairua n te Ekaretia ao te aine e aki nakonako i moan kainabana ke ibukina ma irarikina ni katiteboaki nakoina."⁵

"Karo bon iai tabeia ae kakawaki n tei bwa atun te utu. Anne are e na aki uotia mani karaoi kairiri aika matoatoa ke ni kamanena te mwaka ae aki itiaki. E katukaki te mwiokoaki ibukin katauraoan kainanoia kain te utu. Kainnano aikanne tiaki ti te amwarake, te kunikai, ao te katantan. Kainano aikai ni ikotaki ma te kairiri ae eti, karinean inaomataia tabeman, ao te ota raoi bwa ti bon bane n irekereke nako iai, tiaki ti nakon temanna ma nakon naba te Atua, bwa anne are ti karaoia n te maiu aei."⁶

Taian aine, ake a rinea te auti ni karikia bwa te mweenga, a karaoa te ibuobuoki ae rang ni mwaiti nakon te botanaomata nakoia te koraki ake a tuangia taan buaka aika a mwaiti ke n tei bwa atun kambwana aika a bubura. Wakin aia mwakuri aine ake, i bon irouia, a katea te maiu n te utu ae teimatoa ao ni karikirakea te tamaroa ibukin te

roro ae na roko ae na aki kona n toki.⁷

Taian banna aikai a kantninga te rikirake ae teimatoa i marenaia ara kairake n te tai aei, bwainia ibukin te ingabong, ake ana reiakinna bwa ana rimoa ao man tuangia tabeman te kawai ae a na iria.

Taian tua ao reirei aikai a riai n aki, kona, n aki kona, ni kakeaki. Te maiu e aki kona n tiku n ti te arona nakoira ni kabane, ma ana mwakuri temanna e kona ni kamarurunga naano ao mweena. Ni kabane ngaira ti riai ni kunea te kukurei n aron kakawakin te maiun n tamnei ngkai ti tabe ni mwamwananga:

"... Ao ngkana anne bwa natia aomata a kawakin ana tua Te Atua e na kamarakeia, ao n angania te korakora, ao ni katauraoi bwaai ike a na kona iai ni kakoroa nanon te bwai are e a tia n tua nakoia ..."⁸

Tai taekina tia kabo nakoia raoraom ni karaoia rinanon te ririki, ke te utu ae e kona ni manga ikotaki n akea tokina. Ti na kona ni manga kaitiboaki riki ibukina ni kabane, ti kona ni karekeea te bitaki. ■

BWAAI AIKA ANA TARAAKI

1. William Law, 18th century clergyman.
2. Amota 3:7.
3. D&C 1:37–39.
4. *Te Mition*—taekana iroun Gordon B. Hinckley.
5. *Te Mition*—taekana iroun Gordon B. Hinckley.
6. *Tei ibukin Tebwai teuana*—Gordon B. Hinckley.
7. *Tei ibukin Tebwai teuana*—Gordon B. Hinckley.
8. 1 Nibwai 17:3.

Te Ekaretia E Anga Te Buoka Ibukiia Mwauku i Kiribati

Ana Ekaretia Iesu Kristo Ibukia Aika Itiaki ni Boong Aika Kaitira e a tia n anga te buoka taian wheelchair ibukiia mwauku ao ka naba ake a bubuti ibukia mwauku nakon te Botaki ni Kuakua, ni buokia ake a toara iaon Kiribati.

Kanakoan buoka aika 272 wheelchairs ao 172 ka naba aika a bubuti nakon te Rehabilitation Department n te Botaki ni Kuakua e karakoaki ni moan te ririki aei. Ni kabane ka aika kokokaki ao batika ibukia mwauku ake a bubuti a kanakoaki nakoia ake a toara i aon Kiribati iroun te Rehabilitation Department.

Te Minita ibukin Botaki ni Kuakua ao Katoki Aoraki, Honorable Doctor Kautu Tenaua e anga ana kakaitau nakon te Ekaretia ibukin ana ibuobuki. N tain te botaki ni kanakoan bwaintangira, Dr. Tenaua e taekina bwa te Tabo ni Kuakua e aki kona ni katauraoi buoka aikai nakoia mwauku i Kiribati, ao angia taian mwauku aki kona ni kaboi bwai aikai I bon irouia, ngaia bwaintangira aikai bon iteran kakabwaia nakon te tautaeka ao taian mwauku. ■

KAREKEAN KATOOTON TAMNEIMA IROUN ATAAKE TEKANENE



Beretitenti Baabo Maamau man te Kiribati Service Centre ao te Honourable Dr. Kautu Tenaua ngke a iobwai inanon tain karekean bwaintangira. Te Mataniwi n te Rehabilitation Department man te Ministry of Health ao Medical Services Ms Atateka Tion man te kabanea n te maing.



KAREKEAN KATOOTON TAMNEIMA IROUN ATAAKE TEKANENE

**Aikai tabeua
wheelchairs
ake a raweaki
itananikun te
Rehabilitation
Department
inanon tain
karekean te
baintangira.**

Te Mition ae tibwa Kateaki ibukin Vanuatu, New Caledonia ao Aban Toromon

Port Vila, Vanuatu

Te Vanuatu Port Vila Mition n Ana Ekaretia Iesu Kristo Ibukiia Aika Itiaki ni Boong Aika Kaitira e kateaki n Turai, iroun Beretitenti Larry Evan Brewer bwa ngaia te moan beretitent n te mition.

Beretitenti Brewer ao buna Maryanne Anstee Brewer a kamauraki irouia membwa n te Ekaretia, imwin rokoia i Port Vila.

Te Vanuatu Port Vila Mition e tararua Vanuatu, aban Toromon ao New Caledonia. Mai mwaina Vanuatu, ao New Caledonia bon iteran te Fiji Suva Mition ao Aban Toromon bon mwakoron te Papua New Guinea Port Moresby Mition.

Beretitenti ao Titita Brewer iai aman natia ao a roko mai Colonial Spring, Utah n te United States. Beretitenti Brewer e a tia ni beku tabeua mwakuri ni kairiri n te Ekaretia ao n riki bwa te mitinare n te Nothern India Mition ao Cape Verdia Praia Mition. E ritaea man te tia reirei n te Ogden School District. E bungaki i Logan, Utah.

Titita Brewer e korakora naba ana beku n te Ekaretia ni ikotaki ni kairiri bwa te mataniwi n te Botaki n Aine, ni ikotaki ma Kairake n Ataeinaine ao te Botaki n te Moanrinan. E a tia naba ni beku bwa mitinare aika ikawai ma buna. E bungiaki Titita

**Vanuatu Port
Vila te Mition
Beretitenti
Brewer ao
Titita Maryanne
Brewer**

Brewer i Salt Lake City, Utah.

Aio are e karekea mwaitin te mition n te Betebek n te Aono nakon 14.

Iai teuana te titeiki n te mition ae boou, i New Caledonia; ao aua te aono—teniu i Vanuatu ao teuana n aban Toromon. Iai abwi botaki n te aro iroua Aika Itiaki ni Boong aika Kaitira i Vanuatu Port Vila Mition, n ikotaki ma aua uoote ao 36 taian mwanga.

“Te Ekaretia e reitnako ni bubura ni kabuta te Aono n te Betebek, ao katean te mition ae boou bon kaotan te rikirake anne,” e taku Unimwaane James J. Hamula, te Beretitenti n te Aono. “Ti nooria n tatabemania, utu nako ao taian kawa ake a kakabwaiaki ngkai a reiakina ao n rabwataki n te ekaretia Iesu Kristo ae kaokaki.” ■



Karekean te Koaua Rinanon te Tataro

Iroun Suzanne Jeffree

Ngke 11 au ririki I namakina te maroa ni kaei au kirati n te ekaretia. Au koro n ririki n te ririki naba imwina, ao raoraou a bane n tia n angabeba man te Moanrinan ao n nakon aia burokuram kairake. Ni katoa te wiki I kunea bwa bon ti ngai n akea raou n te kirati, man iangoia bwa tera ngke e reke raoraou. E ngae n anne, I tangiri bwai ake I reiakinaki iai n te ekaretia, n au ririki anne au kantaninga ni iran te ekaretia ma au utu e na boboto iaon bukin te reitaki riki nakon te maiu n tamnei. I nanokawaki ni katoa te tai are I nakonako iai nakon te umantabu n te Tabati, ao n aki tangiria ni kan roko ikekei.

E ngae ngke aei te kangaanga e tara n aki rang ni kakawaki ni kabotauaki nakon kanganga aika a mwaiti ake a kaitara tabeman ni maiuia, riki ibukin te ririki ae 11, bon te tai ae moan te matoatoa. E ngae n anne, man reken kataan te mwakuri rinanon taian kangaanga aika matoatoa, iai te mwakuri ae I rinanona are e buokai ni karaoa te kawai nakoiu are e reitinako inanon maiu.

Inanon kangangan te tai aei, au utu aika a kairaki ma ieta a reireiniira te reirei n tain te botaki n utu ibukin "karekean am koaua i bon iroum." E ngae ngke taian ururing man bwaai ake a marorokinaki n te reirei aei a matoatoa, I aki toki n urunga are a taekinna au utu are ti kona ni kamatoaira n aia koaua ma ti ngkana te tai are ti kainanoia iai, ma iai te tai are ti na bon kainanoa karekean bon oin ara koaua. Ni kainan aia reirei au utu a wareka Moronaai 10:3-5 man ana Boki Moomon. Ngke I a tia ni wareka ana Boki Moomon ni kabanea ibukin te moan tai tabeua te boong imwaina, te wareware aei e bon aki boou nakoiu, ma I a tia n aki ota iai ngke I warekia bon irou.

A kabwarabwara nanona au karo ao n anganira ni kabane te kakaewenako ni karaoia n aron are e tuangira Moronaai, n tataro ao ni bubutia te Atua

ibukin bwaai ake ti reiakin ibukin te euangkerio ngkana a eti. Tamau e nakonako inanon te ru ao n tuangia natina nako bwa ana kata te motin nano anne. Tabeman a kariaia ni waekoa, ma ngai man iango ao namakin ake a tiku ni boou n au iango ni kaean te taromauri mai mwaina, te kaeka ae aki kantaningaki bwa "I aki".

Tamau e titirakinai bwa bukin tera, I kaeka man taekinna bwa I aki tangiria n nakon te Ekaretia riki. E titirakinai tamau ma te abebete, "Ngkana ko ataya bwa e koaua ko kona n roko n taromauri? Bon te tai anne ae anganai te nanorinano ao I a iangoa raoi te titiraki ma te karaurau.

Namakinan te bitaki are e riki inanou, tamau e titirakinai riki ngkana I kona n ana riki au tai ni bubutia te Atua ibukiu bwa eti ana Boki Moomon. N te tai aei I taku eng, ma I bubutiko ibukin am ibuobuoki, ibukina bwa I aki raoi koaua bwa n na kanga ni kakaea rinanon te tataro.

I teirake, ni kawara te ru, I taua bain tamau ao ni kairia nakon au ru ao ni kaina te mataroa. I anga raoi nanou man bubutia te Atua n te tai anne ao ikanne I butia bwa e na kaotia ngkana e koaua ana Boki Moomon, ao Iotebwa Timiti bwa te burabeti, ibukina bwa I ataia bwa ana kaeka nakon au titiraki nako a rang kakawaki ao e na kona n rota au babaire aika a mwaiti ake N na karaoi ni maiu.

Ti kaai ni katorobubua irarikin au kainiwene, ao ni maroroakinna bwa tera ae e n na bubuti iai. I mwain ae nnang wakina te tataro, tamau e tua ngai n ae ota raoi, "Bwa N na tuanga Tamau are i Karawa bwaai ni kabane aika I kakoaua aika bon koaua, imwiina n Tuanga te bwai are i kan ataia, kaina au tataro, ao n tataninga."

I tuanga Tamau are i Karawa bwa e a tibwa bane warekan ana Boki Moomon, are I kakoaua bwa eti ao I kakoaua bwa Iotebwa Timiti bwa te burabeti, ma I tangiria n ataia bwa e koaua. I kabanea au tataro ao n teimatoa n tiku ni katorobubua ma atu ae bobaraki, ao I tataninga.

Imwin tabeua te tai, I tokanikai ma te namakin ae kamimi ae I tuai n karekeia mai mwaina.

I namakina te kabuehue e roko n rabwatau ni kabanea, bwabwau ti tebo ma e ura, buroou e moanna n tata ni bukibuki n aron are I ataia bwa tamau e kona n ongo. Te Atua e a tia ni kaeka au tataro.

Aron karekeana e nang kakukurei. Tamau e iangoia bwa n na anga au tataro ni karabwarabwa, ao n tuanga te Atua bwa I a tia ni karekea Ana kakoaua, n aki manga katua oin au onimaki irou, bukina I ataia bwa e bon koaua, man mwakan te Tamnei ae Raioiroi.

E ngae n anne I nakon te Atua ma taian titiraki, n aron bwai ake I reiakin n te tai anne are kaboan taian titiraki. I reiakinna bwa te Atua e mena ikekei. E bon koaua raoi. I namakina ana mwakuri te Tamnei ae Raioiroi n aron te kantaninga, are I aki kona ni kakewea. I reiakinna bwa te Atua e kinai, man ongo au tataro ao man kaekai. I reiakinna irou bwa ana Boki Moomon bwa te rekoti ae koaua, ao Iotebwa Timiti bwa ana burabeti te Atua. I aki kona n ae n aki manga kakoaua, ibukina bwa I a tibwa ataia raoi, man te tai anne.

Ngke I tanrikaki n tara 21 te ririki n nako iaon te bwai are I rinanona n te tairiki anne, ao ni kakaea bwai ake a riki ake a kaira kamatoan au koaua are I taua ni karokoa te tai aei, I namakina te karabwarabwa ibukin te kawai ibukin te koaua are kaeti au rinerine inanon au ririki ni kairake, ao imwina are e kairai nakon manga karoan au mwakuri ni mitinare, ao ni manga mare n te tembora. I karabwarabwa ibukin aia mwakuri ni kai-rii au karo ao naake a tangirai. Ni katoa te tai are I kabanea ma raoraou aika kain te Euangkerio, I katabia riki atakin kakawakin reeke ake I anganaki n te tairiki anne n au kainiwene, ma tamau are irarikiu. I karabwarabwa ibukin te tai anne ao I karabwa Tamau are i Karawa n Anakin ana tai n ongora iroun ae ataei ae 11 ana ririki ni maiu, ao man kaekai au kakae ibukin te koaua rinanon te tataro. I kunea ana berita Moronaai—ma te Atua “bwa e kaota te koaua nakoim” ngkana ko bon tangiria raoi ni kan ataia. ■

Te Taratara ae Boou

Iroun Beretitenti Ross J. Cuff

**Moan Kauntira, Hamilton New Zealand
Tembora Beretitentii**

N ririki aika bwakanako ngke te bwi tabun au ririki, a titiraki au karo ibukin au taratara bwa e na bon tiku n arona ao ni karaoaki te babaire ibukiu ni kawara te onaoraki ibukin te mata bwa e n na tuoaki iai. I uringnga ngke I tuangaki n tain au tutuo bwa I kona n taratara n ae e kaan ao n na bae n tangira te mata n taratara te kirati ibukin aoraku aei. E ngae n anne I a tuangaki bwa matau te kiraati n taratara aika boou a tauraoi ao I a kona ni karekei ao man tuangaki bwa I kona ni manga okiokirikaaki riki.

Ngke I tabe n nako man ana ru te taokita ibukin te mata ma matau n taratara te kirati ae boou, I ataia ae I a rin raoi n te aonaaba ae boou. Te mabubu n tarataraan bwaai ake I tataneiai iai, ao te iango e a okira arona e itiaki riki raoi ao n eti. Ngke I nako n te tamnei imwina, I a kona raoi n nora matan te aekita ao man akea te mabubu ni mata. Ni mwaitin nako iteran maiu, te taratara ae boou e a uki nako. Bon te bwai ae tamaroa.

Te bwai ae I rinanona aei n au taratara e karekei kanikina nako. Ni kaineti ma kakabwaia ake ti karekei man kaean te tembora ni katoa tai. Bwaninin raoi te ota are katauraoaki nakoira aikai bon ana kakabwaia Tamara are i Karawa ma natina Iesu Kristo are e a tia ni katauraoia ibukira rinanon karoan otenati n te tembora, e uota te maiu n tamnei ae eti are e kauringa te bwai are I a tia n rinanona n au tai ni kairake, ngke I moan nora the aonaaba rinanon matau kirati aika a boou.

Ai moarariki ngkana ti tataro raoi man katauraoira n rin n ana auti te Uea, man ara tai n rinnako are ti karekeia iai te butimwaeaki ae tamaroa ike ti anga iai ara beba ni kariaiakaki n rin n te tembora, n rin rinanon te tabo ni bwabetito, tabo ni karoan otenati ake tabeua, n te teretiare ae unekenekeaki



**Hamilton New
Zealand Temple**

man katamaroaki ao mwina nakon te ruu ni kabaeae are a kona iai utu ni kabaeaki iai n akea tokina, te namakin ae rau man tamaraoa ao kakoauan tabun ana Auti te Uea ake a kona ni karikirakea aron te taratara ae boou.

Ni kabwarabwaran Mwakoro 7 n ana boki te Abotoro ae Ioane ae te Kaotioti n te Nu Tatemant e kaotia bwa kanoan te mwakoro aei e kabwarabwara "te koraki ake a karietataki irouia botanamata". Kabwarabwaran aei e kona ni kuneaki ni kibu 13–17 ao ni ikotaki ma aikai:

"Ao e taetae temanna mai ibuakoia unimwaane, ao e kangai nako iu, Antai aikai aika kunnikaia n ninira aika a mainaina, ao a nako mai ia?

"... Bon aika a nako mai buakon te rawawata ae korakora, ao a teboki niniraia, ao a kamainainai n raran te Tibutetei."

"Ma ngaia ae e a memena i nanoan ana

kaintokaniuea te Atua, ao a toro I rouna ni ngaina ao ni bong ni mwaneaba:ao Teuae tekateka i aon te kaintokanuea e na takina umwana iaona.

"Ane a na aki manga baki, ao a na aki manga taka . . .

"Ao te titutetei ae inanoan te kaintokaniuea E na riki bwa aia Tia Kawakin-tibu, ao e na kairia nakoni koburaken ran aika a kamaiu: ao te Atua E na kaoi ranimataia ni kabane mai mataia."

I karabwarabwa n akea tokina ibukin te taratara ae boou are I kakoaua rinanon au tai n kaakaea te tembora ni katoa tai. I kakoaua anne ni kaineti ma ara kangaanga nako i bon iroura, ngaira aikai ao ake iai nanora ni ira wakin te tembora n taai aika imwaira, ao ni kataia ni maeuakini berita ake ti karaoi, e bon reke te tai are ti tei imatan ana kaintoka ni uea te Atua, mani kaoaki ranimatara ao ni kamarakeaki iroun te Tibutetei. ■

Taan Kairiri i Fiji a reiakinia Kairake bwa "Ana Teirake ao Kaota Nako"

Suva, Fiji

E kania 630 kairake ake a roko mai Taveuni, Kadavu ao Rabi n ira ana Maungatabu N te Tabo te Roronrikirake i Suva ike anganaki taeka n reirei iroun te Tiotio Warebea ao aia Minita Aine Dr. Jiko Luveni, ni kaineti ma ana riboti te *Fiji Times*.

E reitinako te beeба: Membwa ni kairake n te LDS i Fiji a botaki i Tamavua ibukin karikirakean te rabakau ni kairiri, kakorakoran aia onomaki n te maiun tamnei

ao n iri waaki ni kakukurei ibukin bon oin karikirakeaia".

N taetae iaon te botoniango "Teirake ao kaota nako bwa am taura e na riki bwa te bwai ni katoto ibukin te aba", Dr. Luveni e kauringia taian kairake ake a roko bwa a na taratara raoi ma aia babaira are ana karaoia, ao te bwai are e na riki nakoia n tai aika ana roko."

"Te maungatabu aei ngaia aan katauraoam bwa ko na bo ibuako, e na buoka am kantninga ao ae kakawaki riki bon

maiun tamneim. Kaira aron maium, karaoa te bitaki n te bong aei ao uringnga bwa man kabanean am kona ao teuana te tai ko na kakoroa nanon miim", e taku.

Taniela Wakolo, te Itingaun n Aono ao te Manatia n te Service Centre Fiji, e taku bwa kairake i Fiji bon ngaia kanoan taai aika ana roko ao "e rang ni kakawaki bwa ti kabanea ara taratara iaoia ibukin karikirakeaia. Iai 630 kairake ake a roko ni kabanea aon Fiji. A bobotaki teuana n te ririki man kaungaia bwa ana karekea te bitaki, tiaki ti ngkana a ikawai-rake ma n roroia naba ae ngkai, e taku.

"Ngkai ngaia kairake a tangiria bwa ana ataia bwa te bwai are a iangoia ngkai ngaia are e na kakoroa bukin aia iango n taai aika ana roko, ngaia e rang ni kakawaki bwa kaain te kawa ao ekaretia a riai ni boutokaia kairake ni karekei wanawana ao rinerine aika tamaroa."

Kaulani Solomone, e reirei n te LDS College i Suva, e taku e a tia te maungatabu n angania te korakora bwa a ana kona ni kakoroa nanon miia.

"Aio te kabanea n tamaroa ni kawai ibukin kabanean ara motirawa bwa ngkana ti okira mwengara, ti na bon kaungaki tiaki ti ni kamatebwai mwaaka ma ni kona ni karikirakeira bwa ti na tamaroa ao n riki bwa kain Fiji aika karaoi tibwangaia," e taku. ■

Social Welfare ao te Minita ibukia Aine Dr. Jiko Luveni ao Unimwaane Taniela Wakolo.



KAREKEAN TANIELI MAI ROUNTE PUBLIC AFFAIRS LIBRARY